

# OMUKWETU

Registered at the General Post Office as a Newspaper

15c

## Moluhepo lwiilonga otaa kugu kuKalunga

Onghalo yokuvaka, yokunyeka, yokunwa sha pitilila, yondjala noyomalweendo ehee na oku taa i, otai monika ihapu paife moilyo yEengeléki mOushimba.

Nefina laaishe ei, omhumbwe yoilonga, osho omufita wovanailonga Gerson Max a hokolola.

A kala paife cedula 17 moshilonga eshi, omufita Max ota tala kutya epelesenda hetatu (8%) dovaunguli 50,000 muNamibia oda kanifa oilonga.

Vahapu vomuvo ovakainhu.


Okunwa nai, omanyekafano, oulunga no-maendaendo ehee na elalakano lasha, osha ninga onghalo yefiku keshe.

Omushangwahokololo ou owa twikila ngaha kutya, nonande ovaunguli (O-valaule) kave na ewi moinima yeliko lo-shilongo shavo, vahapu ohava kuu ku-Kalunga oluhepo lavo.

Opwa didilikwa ovanhu 85,461 va kala peendjovo daKalunga omudo 1981. Vakwao 643 ova shashwa, 841 ova pamekwa.

Okwa valulwa yo ovo va tukulilwa Ovalelo wOmwene 3,851 novakufilwa 595. Eyakulo eli, ohali ningilwa unene oilyo yaELOK:

Namibia alishe ohali tengenekwa ovanhu 75,000 vehce na oilonga.




Omusamane Leonard Nghipundulwa, omunashipundi gwEhangano lyaaniilonga, ngoka omimvo odhindji a kondjo aaniilonga ya popilwe uuthe-mba wawo koveta. Ngiika sigo onena onkalo otayi tsikile ashike yu uka kuuwinayi.

Nosha yela kutya ngeenge onghato yoshilongo inai lundulukila natango mombili, vahapu ota-va ka kanifa natango omboloto yavo omudo 1983.

Tala kep. 6





## **Ombilive yopaukuume kaaleshi yOmukwetu**

Omusimanekwa,  
Oshifo shoye shongeleki, Omukwetu, ohashi taa-  
mbwa wo nomEhanganotumo lyáSoomi nenyanyu  
nonohokwe onene.

Ngaashi wa tseya nawa kutya oku na mboka haa  
yakula momisioni ndjika, ya tseya Oshindonga,  
oyo mboka haa vulu wo okulundululila melaka lya-  
yakwetu mboka kaa uwite ko.

MuAguste, shimwe shomiifo yOngeleki yoye,  
omwa li oshinyolwa; "Onkundana ondhigu", ta-  
shi popi kombinga yoshilonga shetumo muSe-  
negal.

Oshinyolwa shika onde shi lundululilwa nonde shi  
lesha nohokwe onere.

Onda li wo nda nyanyukwa sho nda koneke oshi-  
fo shoye, kutya osha ningi eindilo lya mana mo  
kaakriste nokomagongalo, opo ya kokeke oshina-  
kugwanithwa shawo omolwoshilonga shetumo  
muSenegal.

Sho nda lesa ngeyi, onda kala ndi uwite kutya,  
ondi na nani okutuma omakundo kaaleshi yoshifo  
shoye medhina lyehanganotumo lyaSoomi.

Oshoka ekwatathano ndyoka tu li neni, kali li  
ashike muNamibia, ihe nomuSenegal wo.

Onkene otashi kala sha gwana ngele ngame ongo-  
muwiliki gwehanganotumo, te kundu ookuume  
ketu aakriste pamukalo nguka.

Ondi na ano etegameno mpaka kutya oto ke shi pi-  
tika, omakundo ngaka gandje u ga tule moshifo  
shoye shOngeleki pamwe noshinyolwa shandje  
wo.

Otil mu halele uwanawa auhe miilonga yeni ye-  
siku kehe. Note galikana wo opo omayambeko ga-  
Kalunga ga kale noshifo sheni nonOngeleki ayi-  
he muNamibia.

Gweni,  
Henrik Smedjebacka

[Oshinyolwa tala mOmukwetu ta landula]

2 OMUKWETU DESEMBA 15, 1982

## **Eanotokolo lovakriste muAfrika alishe**

Momafiku 9-19.12.1976 opwa li oshoongalele sha  
kula muNairobi sha Kenya.

Oshoongalele eshi osha pewa edina "PACLA"  
(Pan African Christian Leadership Assembly),  
kokutya, oshoongalele shewiliko lovakriste mu-  
Africa alishe.

Oilongo 48 ya Africa oya li ya kalelwa po moshoo-  
ngalele eshi. MuNamibia omwa dile ovakalelipo  
8. Nakufya Heiki P. Ushona oye a li a kalelepo  
ELOK:

Ehepaululo la "PACLA" ola ti:

1. Ohatu udaneke opo tu kale ovanashili koshipa-  
la sha Kalunga Tate omudiinini weshito alishe  
nomushiti wovanhu aveshe moufike pamwe nou-  
femba uyadi.

Fye mwaashi ohatu ekeleshi nokukondjifa omu-  
kalo keshe wokatongotongo wefininiko kongudi,  
nowokunyeka nokuvaka oo tau lyatele poshi ou-  
fike pamwe noufemba womunhu.

2. Ohatu udaneke opo tu kale ovanashili koshipa-  
la sha Jesus Omuxupifi, Omwene Omwiilikaneni  
Umupopili, Omwene wOmbili nOhamba oyo tai  
uya.

Fye mwaaishe onatu ekeleshi elongo keshe olo  
tali kondjifa oukwatatu noufikepamwe womu-  
Kalunga, nohatu ekeleshi yo omukalo keshe oo wa  
hala okuhanauna po ohole yoku "Calvary"  
(Golgota) nondjila yoshili yomomushiyakano.

3. Ohatu udaneke nokwaana opo tu kale ovana-  
shili kOmhepo Iyapuki, Omuminikili womadiladilo  
a laula notaa ehama, Omushitululi womitima,  
ta kala nomwenyo wa itavela nota kutifa ee-  
mwenyo da fya ondjala.

4. Ohatu udaneke opo tu kale ovanashili kOm-  
shangwa dIyapuki (Ombibeli) kutya oyo Ondjo-  
vo ya Kalunga i na eenghono notai mwenyeke.  
Oyo tai tu ulukile exupifo nokwiitavela Jesus  
Christus noi na onunongo muhapu okulonga,  
okuhanyena, okupukulula nokudeulila mouyuu-  
ki opo omwiitaveli a kale a djalekwa oilonga aise  
oyo iwa.

Fye ohatu ekeleshi omalongo aeshe oponghulo  
nao taa pukifa nokukondjifa oshili noilonga aise  
itai tu kumwe nouyapuki wopakriste nelongo IO-  
mbibeli.

**Tala kep. 6**



# Kristus omusindani

## momamakelo



Otatu sindi ngiini omamakelo? ndika olyo epulo tali inyenge mooitaali oyendji. Jakob mEpistoli lye, ota popi kombinga yomamakelo: Jak. 1:12-15. Ohaku popiwa kutya omusamane gwomuSoomi, Juho Malkamaki, okwa tile:

“Eeno omutondi ota sindi ndje nuupu ihe omupya gwandje omwiinayi ogu li ashike mpoka ngele ta sindi Kristus”.

Onawa tu dhimbululeni kutya omahongololo kage shi uulunde, ihe otaga vulu okufala moondjo. Omukulili okwa makelwa, ihe oye ina yona nando olumwe.

Omuniyoli gwEpistoli kAaheberi ota ti:

Oye “nguka a makelwa miinima ayihe ongotseni wo, ihe kee na nando ondjo (4:15).

Jesus ota tseya omamakelo ngoka aantu ye li mo, oshoka okwa li omuntu e tu fa, ihe onkee tuu a li Kalunga nomuntu.

Natango mu kAaheberi omwa nyolwa:

“Oshoka oye mwene, sho kwa makelwa, ota vulu okukwatha mboka taa makelwa” (2:18).

Jesus ota gamene twaa a dhike komamakelo nonge te ga pitika, okwe tu longekidhila wo oonkondo gaa tu ninginithe. Oye okwe tu longa tu galikane:

“Ino tu fala momahongololo...”

Meyana lyaGetsemani ota lombwele aalongwa ye: “Tonateni, ne mu galikane, mwaa pwile momamakelo ....” (Mat.26:41).

Tu dhimbulukweni kutya, satana iha hindi mboka ye, oha makele mboka yOmuwa. Uuna ndoka tatu makelwa, osho endhindhiliko, kutya otu li mondjila yOmuwa.

Mpoka pu thike uupopepi wetu nOmuwa opo wo pu thike uunene womahongololo.

Pahapu dhaKalunga Job okwa li omulumentu omuyyuki, ihe Omuwa okwa pitika satana e mu makele. Paulus Omuyapostoli gwaapagani, ota nyola:

“Inamu a dhika kemakelo lilwe, olyo tuu ndyoka lyopantu, ihe Kalunga oye omudhiginini, ite mu ethele omamakelo ge vule oonkondo dheni, ihe

mumwe nemakelo, ota longele wo ondjila yokuya ontuku, mu wape oku li sinda” (Kor.10:13).

Kalunga ota pitika tu makelwe, opo eitaalo lyetu li ndjingandjingwe noli koke:

“Aamwameme, nyanyukweni shili, ngele tamu adhika komamakelo gopendji; oshoka mu shi shi, omukumo gweitaalo lyeni momayekele otagu etitha eidhidhimiko”, osho Jakob ta nyola 1:2-3.

“Omunelago oye ngoka ta sindana momamakelo, oshoka ngele a monika omudhiginini ota ka pewa oshishani shomwenyo.”

Lungamena oondjo ndhoka to tala aniwa oontshona, oshoka satana ohi izaleke olwindji ongomuyengeli guyelele. Luther ota popi omamakelo gopatatu:

Omugundjuka ota hongololwa konyama ye mwene, omunamvula dhopokati okuuyuni nomukulupe ota hongololwa komuhindadhi.

Omuyapostoli Paulus ota lombwele omugundjuka Timoteus ta ti: “Za ontuku okahalu kuugundjuka ....” (2Tim.2:22).

Oto vulu okuya ontuku omamakelo tage ku zile pondje, ihe ito vulu okufadhuka po ngoka tage ku zile mungoye mwene. Shimwe shoka shi na oshilonga osho shika:

Mboka taa ithana nokukugila ekwatho lyOmukulili, oyo ayeke taa sindana momamakelo. Montumwafu kuTimoteus, Paulus ota ti:

“..... mboka aayamba, otaa yulwa kemakelo nokomwigo nokuuhalu owindji wuugoya nowiiponga, hau ninginitha aantu meyonuko nomekano.

“Oshoka ohole yeliko oyo etindi lyuwinayi auhe” noku li hola oyendji ya puka mo meitaalo noyi iyulitha kuuwehame owindji” (1Tim.6:9-10).

Oyendji oya kanene muhalu weliko, ihe Jesus ta yambula, tse tu mone ompito okuhuma komeho.

**TALA KEP. 5**



# Eyonuko lya pula R 1,425



**Komufala Ndjayi Dannie Hough, omutitatu okuza kolulyo ta ligamene ombululu yoholo mOshinyanyangidho. Omusamane Kalangula naye ota tala a thikama konima ye kolumoho. Omukuluntu gwOshinyanyangidho nomumbisofi, Dumeni otaa monika kolulyo lela.**

**O, oshikuti oshu umbwa okuza kOndangwa, osho Komufala Ndjayi gwaSuidwes-Afrika a hokolola sho a tala ombululu yoshikuti ndjoka yu ulula ontala yondunda yOshinyanyangidho.**

**Okwa gwedha ko kutya oshiponga shika inashi ningilwa owina. Eyamukulo ndika inali mana po omapulo maakundani yoshiponga shika kutya:**

**Ngele inashi ningilwa owina, omolwashike sha ka gwila nosha yaha Oshinyanyangidho shoka sha yonwa po nale lwaali kuwalye?**

**Etungo ndika cpe nolya adhika lye egululilwa iilonga yalyo 6.6.1982.**

**Elelongeleki olya tokola pu ningwe eyalulo meopaleko ndika, noli tuminwe mboka ye li moshinima.**

**Eopaleko moshiponga shika olya pula R 1,425-00**



**Pethimbo lyeegululo lyOshinyanyangidho 6.6.1982, aantu konyala 1,500 oya li ya ngundumana mpoka. Omwaalu gwiimaliwa R 3,051-01 oye gu gandja pethimbo ndyoka, shoka tashi ulike enyanyu nehalotokolo lyawo oshilongitho shawo, Oshinyanyangidho, shi tsikile natango andola.**

**To longekida tuu  
Omukwetu 1983?  
Mbesitela diva**



### DHA ZA KEP. 3

Aakuluntu oya kunwa omalimbililo komutondi. Otaa limbililwa oohapu dhaKalunga ngaashi sha ningwa meyana IyaEden. ".....Kalunga okwa tile shili ....? (1Mose 3:1).

Omalimbililo gamwe otaga kunwa netumbulo: Omauvaneke gaKalunga inage ku pamba, ano hangoye wa dhiladhilwa.

### OMAMAKELO OTATU GA SINDI NGIINI! OTATU PUMBWA:

- Okukala moshiholameno
- Okweenda pahapu dhaKalunga
- Uukumwe waakriste
- Ulalalelo Uuyapuki
- Okukala megalikano lyaa na ezimbuko

"Thomatekeni iikondjitho ayihe yaKalunga, mu wape okuthikamena omakotokelo gasatana" Ef. 6:11). Omuwa Jesus okwa sindi satana nohapu yaKalunga: 'Okwa nyolwa'.

Tse wo otatu vulu okusindana mokwiigameka kohapu yi na omwenyo noya fa 'egongamwele lyoongenge mbali'.

Komukiintu omuhongololi Josef ta ti: Ongame ando ndi longwe ngini uuwinayi u tike mpa, ngame ndi yone po koshipala shaKalunga? (1Mose 39:9).

Otatu hambelele Omukulili omuholike, oshoka okwe tu nakula momamakelo gopendji. Olwindji tse twa punduka, ihe Omuwa okwe tu yambula. Eeno shili oye nguka e li: ohela, nonena nomasiku agehe.

Omuyandi gwoshipala shaKalunga ita pumbwa a kale ngaaka sigo kwa toko, — ngele ta hempulula noti indile edhimopo lyoondjo, ombinzi ya Jesus Kristus otayi yogo oondjo adhihe!

Viljo Kuismin  
Dr. Tomas Shivute

## Ngoye oho tidha shike

Opo u kale wu uvite elago, otashi ku puta ethimbo Iya gwana. Onkene kala u li na.

Ngoye oshilongankumwe shaKalunga — u li mowenyo nou li po tuu shili.


Omolwashike itoo shi kuminwa nando? Omolwashike?

Omolwashike itoo inyanyukilwa noito nyanyukilwa yakweni?

Ou shi aniwa ohashi iyeta kushoshene, u kale mowenyo, u kale nethimbo lyokwiimba nenge okudhana, ethimbo lyokudhiladhila nolyokulonga, lyokuvululukwa nolyokulya?

Itashi ti nani sha kungoye, sho u na ompito yokuuva uunelago?

Ngelc totala ngashinge yi ethano Iyandje ndika, ondjahi onde yi pangela nale note lamke te yolo: nda nyanyukwa, iimpwiyu ayihe ya kama.



Uuna nda sa iimpwiyu oyindji, nda geya nena nenge ongula, ohandi pilula ashike ethano ndika, oshoka kandi shi unene omugoya.

Omolwashike ano to hepitha ethimbo? Omolwashike to tidha iinima mbyoka itaayi ku etele nando elago lyasha?

Omolwashike u dhiladhile ethimbo alihe kiinima yangula noyahela? Kala gwomethimbo lyonena.

Twiimemeha nena, to nyanyukwa nena, wii iuvitile elago nena.

Ethimbo kali shi ondjila yeulumo pokati kokanyothi nomawendo, aawe. Ihe olyo eha lyokugondja momuzile omutalala moka to vulu okukala u uvite kutya:

O, Omuwa gwandje, ondi na omwenyo, osha nyanyudha ndje.

Rainer Mathias



# ELOK ota pulwa oshindji Eanotokolo lovakriste .....

## meyakulo lyiilyo

Okuza 1947, Ongeleki ya ELOK, oya shaina eu-vathano pamwe nOngeleki oonkwa; ya NGKnaandjoka yometumo lyAandowishi mUushimba (ELK).

Shika osha zi mompumbwe ELOK sho a hala oku-landula iilyo ye pamauthompango mbyoka ya halakanena miilando, moofalama, moomina nomoo-fabulika.

Petameko oshe ende nawa, nOngeleki yOombulu oya futu oondjambi dhaayakuli yaamati. Aa-luudhe sho ya tameke okupula uuthemba wawo, Ongeleki yOombulu oyi ikutha mo mevathano ndika 1973.

Ongeleki yaapopi yOshindowishi, ya kutha po ehala ndyoka, ihe molwashoka nayo onkalo yopaplotika otayi yi pula oshindji, mevathano ndika oye li mo ashike okanyala kamwe.


Ope na miilando yimwe nopomahala gamwe tamu yakulwa kaayevangeliste ya ELK, mboka haa popi Oshiwambo, ihe onkene nasho inashi mana po ompumbwe yaayakuli moshilonga shoka tashi taandele omumvo kehe.

Pethimbo ndika ELOK oku na aayevangeliste taa longo koho yewiliko lyomusita Max pomahala taga landula:

1. Filippus Ueitele, GOBABIS
2. Timoteus Angala, MARIENTAL
3. Johannes Ndimwedi, WINDHOEK
4. Sivanus Amutenja, OKAHANDJA
5. Likius Neumbo, OTJIWARONGO
6. Lineekela Shidute, WALVISBAAI
7. Dan Hamunjela, OMARURU
8. Elisa Ndume, ARANDIS/SWAKOPMUND
9. Malakia Amuthenu, SWAKOPMUND
10. Absalom Naulondo, OMARURU  
(mopenzione)
11. Mikka Kajjamo, TSUMEB

Mokati koothina nomaunyengwi ogendji, oshilonga otashi tsikile kekwaatho lyoomwamemengeleki dhopondje yoshilongo. Kalunga na pandulwe wo kekwaatho ndyoka hatu mono koomwamemengeleki dhomeni lyoshilongo.

Petrus Shipena



## Da dja kep. 2

5. Ohatu ane opo tu kale ovanashili kEtumo ongoshilonga twe shi twikwa komapepe etu ku Jesus mwene.

Tu ye nounyuni aushe, unene muAfrica alishe tu udife elaka linyenye komunhu keshe. Ohatu shi ningi paumwe ile paungudu moiwana yetu aishe ngaashi Kalunga te tu pe eenghono musho.

Ongovaevangelifi Ovaafrika twa kwatafana kumwe, ohatu ekeleshi omalongo aeshe opaimhanga (Elongo olo tali ti kaku na ou ta ka kana) oo taa kondjifa opo omunhu keshe muAfrica ile pamwe pe lili, a ka mone omhito ei yokuuda nokutambula Etumwalaka laKristus.

6. Ohatu liyandje keano eli tu kale ovanashili, keudifo lEvaangeli lOmwene wetu Jesus ou e tu pa oshilonga eshi tu fikifile etumwalaka eli keemumbwe domunhu aushe, pamhepo, palutu, pamadiladilo, panghalafano ile paupolotika.

Ohatu ekeleshi omadiladilo aeshe oo taa tongola omunhu nonghalafano oyo i li mouyadi wevaangeli.

Hauxuununa ohatu udaneke nelitulemo nonehafo tu kale ovanashili koshipango sha Kristus opo tu holafane ngaashi a-kala e tu hole.

Eshi otashi ti ohatu ningi etokolo, nande tu na omayooloko mahapu, ohatu shiivifa paupuna wo-mbibi nopawapalo longhalafano yetu, tu hmbatelafane omaudjuu etu nomauwehame nomeefina detu.

Molwaashi ohatu ningi natango eano eli opo tu kale ovanashili mokati ketu ongovaliumbo la-Kalunga hatu longo nokuyakulafana neliineekelafano notu li moukumwe umwe keenghono domhepo lyapuki:

Ohatu indile Eengeleka adishe menenedu eli la Africa di kale melongelokumwe nomekwatafano limwe.

## E TU FIYA PO

Omushamane womwevangeliste Lasarus Hambodi Shikolonya (64) okwa xulifa oweenda waye ombadilila moshiponga shoboma 25.6.1982 pEpundi, Endola.

Konyala omwa fila ovanhu vatanonaumwe, omo mu na yo ovana vaye ovalongi vavali, osho yo ovakwapata laye.

Okamati Setson Shikondjeleni Shiyuka, oke li natango moshipangelo. Onghalo yako oyeetifa paife eenghono.

Salomon Shikolonya



# Kaura ina nyamukula sha natango

Natango omusamane Katuutire Kaura, ina nyamukula natango osho a indilwa kOraata yEengeleki muNamibia (CCN) kombinga yomalundilo e a ningila Eengeleki mounyuni.

Vati e shi popila neudo muMaalitsa moshongalele shovatooringhundana shEhangano lopaiwana loufemba wopanhu muFrankfurt, Ndowishiland.

MuNamibia ehokololo ola leshwa muKotoba moshifonghundana shOshindowishi Allgemeine Zeitung 12/10/1982.

Omo omushamane Kaura okwa ti kutya Ongeleki Onghwaevangeli muNdowishiland, nOraata yEengeleki mounyuni (WCC) nOngongahangano yOvakwaluthe mounyuni (LWF) ovo tava kwafele paimaliwa Ehangano la SWAPO olo tali nyonauna oufemba wopanhu.

Okwa ti vali nOiwana ya hangana (VVO), ohai yambidida omadipao a SWAPO, oo ta ningile Ova-laule muNamibia, unene koshitukulwa shOwambo.

Oraata yEengeleki muNamibia (CCN), oyo vati omunino wokupitifila oimaliwa i fike nawa ku SWAPO, oyo hai di komahangano aeshe a tumbulwa.

Okwa weda ko natango kutya Oraata yEengeleki muNamibia, ihai fikifa ashike oimaliwa ku SWAPO, ndele oya kuta yo Ovaswapo moilonga yayo.

Omushamane Daniel Tjongarero, ou ta longo mombelewa ya CCN, oye umwe a tumbulwa kedina, ongeuliko kutya oufiku ota longele SWAPO nongula oku li mOmbelewa yOngeleki.

## Ongeleki tai nyamukula

Oraata yEengeleki omu, eshi ya lesha noluhodi linene omalundilo aa, oya indila omushamane Kaura, e endulule fimbo e li muNamibia osho e shi popya kuNdowishiland.

Ye e shi popye nokanya ka taalela kwaavo ta landile. Fiyo onena ine shi ninga.

## Efatululo la CCN, koifo otali ti ngaha

Ohatu shi tumbula apa kutya omapopyo amwe a tya ngaha, ehee na omukangha, otaa pendula ashike elipulo;

Ngenge omupopi oha popi tuu oinima yoshili nongenge ehanganano olo e lile po, oli shi tuu shili kulineekelwa.

Fye otu shi shii, omalundilo a tya ngaha kae na oukwashili. Oo itaa tungu sha koupyakadi woshilongo shetu, oo tapu kongwa u kandulwe po pambili.

Eshi okutula ashike ombili moshiponga mokukuna outondwe nokuheelinekelafana.

Otwa teelega omapopyo omupondo moipafi yoshiwana, shi dulife omaxwamo omoivalanda yomaumbo.

Naapa yo ongaashi shito, Eengeleki oda endulula oshitokolitho 435 sha VVO, kutya osho ashike tashi kandula po omukundu aushe.

Oya hulifa ngaha: "Oikando ihapu twa lombwela oministeli yotete ya SA, kutya Evaangeli lopakriste otali tu fininike tu longele ombili, ouyuki nediminfanepo.

"Hano ohatu kondjifa poluhaela omukalo keshe welongifo lekuni, nashi kale kutya otashi ningwa kulyelye."

(Kaura oshilyo shomhitifi mo DTA).

## Amerika ta shundula aahepekwa yaNamibia - SWAPO

Omupresidende gwEhangano lya SWAPO, Sam Nujoma, okwa ninga eindilo kiilongo ayihe yaEuropa, yi ninga po sha tashi lundulula omadhiladhilo gaAmerika kaa tsikile nonkalo ye yokushundula aahepekwa yaNamibia.

Shika okwe shi popya muSeptemba nuumvo pethimbo lyomutumba gwoshigongi oshinene shiipindi yiilongo yaEuropa (Europa Economic Commission = EEC), muBrussels shaBelgia.

Mokuulika omulandu gwEhangano lye puuyelee, omusamane Nujoma okwa ti, epangelo lyaSWAPO otali ka landula uudemokoli washili.

Otali ka thitika omusa ngoka gu li pokati kaazeko naatokele. Okwa tsikile natango ta ti;

Omulandu gwEhangano lye muuyuni gwopondje, okulandula iilongo mbyoka inaayi gama ombinga

**Tala kep.8**



# Amerika ta shundula aahepekwa ya Namibia

## Dha za kep. 7

muuyuni (non-alignment) nokupanga uukuume noshilongo kehe sha hala ombili inaapu talwa uupolotika washo nenge onkalathano.

Kombinga yomulandu gwehangano ndika pamahupilo, Nujoma okwa ti kutya onkatu yotango mepangelo lye okudhika po ekwathano nehanganu lyiipindi yuuyuni, (ehanganu ndyoka ta popitha).

Ngele sha nyenge iilongo iinankondo ngaashi Amerika naRusia okwiiteta ko kepindiko niilongo yilwe, unene tuu okalongo ketu Namibia, otaka ka pindika noshilongo kehe shi na ombili nako.

Mehulitho lyoshipopowa she, omusamane okwa ningi eindilo kuuyuni nokomangelo gawo, unene iilongo yEuropa:

“Longitheni oombelewa dhomangelo geni, longitheni oongundu dheni dhuupolotika nomahanganu agehe ga simana miilongo yeni, opo epangelo lyaAmerika lyi dhiladhilithwe kutya shoka tali ningile oshigwana shaNamibia oshihepekwa, osho eshundulo nelyatelo pevi lyuuthemba washo.

Oshigongi shehangano lyiipindi ohashi kalwa kooministeli dhiilongo yi li mehanganu ndyoka, li na ombelewa onene muBelgia.

Moku shi koleka momakutsi gaapulakeni yoshigongi shika, kutya aantu yaNamibia oya mana mo metokolo lyawo okukondjela emanguluko lyoshilongo shawo, omupesidende gwa SWAPO okwa ti:

Nii shi mu lombwele sha yela, aantu yaNamibia kaye na siku, otii shi endulula, kaye na siku naa ka taambe epangelo lyopaupapeta moshilongo.

Omupesidende gwopevi gwaAmerika, George Bush, okwe shi endulula natango omasiku ngaka kutya;

Ngele kape na dhAacuba ya ze mo muAngola, kape wo dhemanguluko lyaNamibia.

MOvenduka, omasiku ngaka, epangelo lya SA otali kundathana naakalelipo yalyo muka, nkene oshilongo shika tashi ka lelwa okutameka 1983.

Ongunduleli muNamibia, o DTA, otayi mana ko oshikako shayo muNovomba 21, nuumvo, nokape na we etegameno yi pewe natango uuthemba mboka.

## HEKA MARKET

KUUNINGININO WONGESHEFA  
YANDANGWA, ONDONGA, OKWA  
TUNGWA ETUNGO ENENE LYO-  
NGESEFA YIIKUTU NIINIMA YI-  
LWE YOMALUDHI OGENDJI.

EHALA OLYA TSEYIKA MEDHINA  
“HEKA MARKET”

PEHALA NDIKA OTAPA KA KALA  
OFANDITHA

METI 22 NOVOMBA 1982.

- \* Oonguyo dhoomeme
- \* dhaanona aakadhona naamati
- \* oongaku dhaalumentu naakiintu
- \* oondjato dhomaludhi kupula

GWELULU OTE KI IPELWA ESIKU  
NDYOKA, OMUNELAGO ONGOYE  
NGO TO THIKI PO KUYELE.



## OMUKWETU

Oye oshifo shOngeleki Onkwaevangeli paLuther yomOwambokavango.

Ohashi nyanyangidhwa mOntipa.

Omukuluntu gwoshifo omumbisofi dr. Kleopas Dument, Amushanga gwoshifo omusita Sebulon Ekandjo

Ondando yoshifo komumvo muAfrika alihe R2,60. Kombanda yomafuta R5, 00, nondhila R6, 24.

Oondando nomambestelo agehe naga tumwe kOmukwetu, Ontipa, P.Bag 2013, Ondangwa, 9000

EV. LUTH. OWAMBOKAVANGO CHURCH PRESS  
PRIVATE BAG 2013, ONDANGWA 9000 SWA/NAMIBIA